

Modiši yo molemo

Thero mo Psalme 23

Palo ya Beibele: Psalme 23 & Johane 10:1-21

Temanathero: Psalme 23

Mo koseng ya sereti se bapetša Modimo le modiši. Ge o bolela ka modiši, o kgopola ka ga nku. Modiši a ka se kgona go ba kantle le dinku. Gomme ge o ka ba bjalo, a ka se bitšwe modiši. Ye ke taba yeo sereti se nyakago go re laetša yona. Kgolagano magareng ga Modimo le yena e bjalo ka ga modiši le mohlape. Ka lebaka leo go bohlokwa go tseba go ba gona ga nku gore go bjang. Bao ba nago le maitemogelo a dinku, ba tlile go go botša gore: ga go na phoofolo ya setlaela bjalo ka nku. Seo pere, goba kgomo, goba pudi e kgonago go se dira, nku e ka se kgone go se dira. Go na le selo se setee seo nku e kgonago go se dira gabotse – ke go latela. Go lemoga lentšu la modiši. Bjale ge kgoši Davida – sereti – a ngwala ka ga modiši, ga a re rute fela ka selo ka ga Modimo, empa gape ka se sengwe ka ga yena. Ge Modimo e le Modiši, bjale rena re dinku. Dinku ke diphoofole tšeo di tsebago ka ga bokowa le tšeo di sa kgonego go di dira. Di nyaka go fula, di nyaka go nwa, empa motho o swanetše go di hlokomela. Nku e kwa e hloka polokego, gomme e dumela seo. O ka kgona go bona se ka tsela yeo e lego ka gona. Nku e lebelela motho yo a ka e etago pele. Gomme ge Modimo e le modiši, rena re dinku.

Psalme ya 23 e tsebagala bjalo ka koša e botse e bile e le bose. Empa nnete ke gore koša ye e nyaka temogo. E ganetšana le kgopolo ya motho wa bjale ka mo a naganago ka ga yena. Davida o re: le ge re ka nagana gore re na le dilo tše dintši tšeo re ka itšhireletsago ka tšona, re swanetše go lemoga gore polokego ya nnete e kgole le rena. O na le dipolokego (insurances) tše kae go tloga ge o belegwa go fihlela ge o ehwa, polokego ya nnete o e humana fela ge o le karolo ya mohlape wa Modimo. Ge o amogela gore mo kgolaganong ya gago ya Modimo wena o nku fela. Ge o ikemišeditše go latela. Lentšu le lengwe leo re ka le šomišago ka polokego ya Modimo bjalo ka modiši, ke paballo ya gagwe. go ba karolo ya mohlape wa Modimo go ra gore go ba le nnete ya gore paballo ya gagwe e lekane tšohle tšeo o di hlokago.

Davida o tšwela pele: O lapološa moya wa ka. Gape re gopotšwa ka ga modiši le mohlape wa gagwe. mo dithabeng tša lešoka la Palestina nku e be e swanetše go sepele dikilometera mo dibakeng tše kotsi e feta mawa le magaga, gore e kgone go fihlela meetse a tapološo a mabose. Bjale se se be se sa kgonagale gore nku e se dire e nnoši, e be e tshepela ka gohle go modiši wa yona gore e phele, e tseba tsela ya maleba yeo e bolokegilego. Gomme bofelong ge ba fihla mo meetseng – o ka gopola ka ga yona – nku e itapološa ka boyona mo meetseng a mabose. E sego noka ya go tšhoša, e kotsi e sepela mo godimo ga dithaba, empa meetse ao a hlwekilego. Sediba se se bjalo se humana fela ke modiši. Gomme nku e a opela: o nkiša mmileng wa go loka, mo tšeleng yeo e lokilego. Ke tlile go mo latela, le ge nka sepela mo laping wa moriti wa lehu. Kantle le modiši ke tlile go timela mo sebakeng, go ba ke tlile go se gate gabotse ka wela ka leopeng, goba ke tlile go jewa ka dibata. Empa nka se tšhoge bobbe. Gobane molamo wa gagwe le lepara la gagwe di a kgothatša. Molamo wa gago wo o šomišwago go thibela dibata gore di ye kgole. Gomme lepara la gago le mpušetša morago ge nka timela. Re gopotšwa gape ka ga paballo ya Modimo. Ka mo Tate wa kgwerano a swarago bana ba gagwe ka gona.

Re ipolela gore paballo ya Modimo e ra gore maatla a gagwe le bogolo bja gagwe, di mo letsogong la gagwe, o sa sware magodimo le lefase le diphedi ka moka gomme o a di buša gore ditšhišinyego le pula le komelelo le dienywa le mengwaga le komelelo, dijo le dino, boitekanelo le malwetši, mahuma le tlala, ka nnete dilo ka moka ga di tle go rena Modimo a sa tšebe, empa di tla ka letsogo la gagwe. re ka bitša se ra re ke hlokomelo ya boruti bja Modimo. Modimo ke moruti wa rena o mogolo, goba Modiši o mogolo wa rena lefaseng. Se ga se akaretše fela ditaba tša kereke, se na le bohlokwa mo lefaseng ka moka, matšatši a beke ka moka, ngwaga le ngwaga, go thoma pelegong go fihla lehung.

Mo temaneng ya bohloano sereti se tšweletša mothofatso o mofsa: o nkabela dijo manaba a ka a ntebeletše. O ntlotša hlogo makhura, senwelo sa ka se tletše ka go falala. Tše ka moka ke dišupo tša go ba le hlokomelo. Mo matšatšing ao mo Palestina go yo mongwe a humana baeti ba bahlokwa bao ba sepetšego, leeto le letelele ba sepela mo letšatšing le mo lešabašabeng, yo a ba a mogelago o tllile go dira tšohle go re ba ikwe ba amogegile. E sego fela maoto a gagwe a go lapa, empa o be a tlotšwa le mo hlogong. Senwelo sa gagwe se a falala. Modimo o re nea dinyakwa tša rena ka tsela ye maleba. Paballo ya gagwe e dula e le gona. Se se re dira gore re be le tebogo mo bohuming le go ba le pelotelele mo tlhokegong. Gomme mo nakong ye tlogo re na le bonnete bja gore ga go sebopsa seo se ka re kgaogantšhago le lerato la gagwe. gomme ke tla phela matšatši ohle ke le kantlong ya Morena. Se se kwagala se makatša. Matšatši ka moka a bophelo bja ka ke swerwe bjalo ka moeng yo bohlokwa ka ntlong ya Morena. Modimo ke yena moamogela rena. O dula a butše matsogo le pelo ya gagwe. batho ba bagolo bao ba lebelelago bophelo bja bona morago, ba ka netefatša se. sontaga le sontaga Modimo o a nkamogela mo ngwakong wa gagwe. gomme mo gare ga beke o dula a le gona ka hlahlo ya gagwe. ka nnete, ngwako wa Modimo ga se kereke fela. Lefase ka moka ka ngwako wa gagwe. le ge e le gore mo sebakeng sa bjale ke ngwako wo o ahloganego. Empa nnete e dula e le gona ke gore: Modimo ke Yena Moabi wa lefase. Gomme, le ge lefase le arogane, le ge meoya a mebe e dula e le gona, le ge re tšhaba lehu, Modimo o dula a le modiši le moamogedi wa rena. Gonabjale le ka go sa feleng.

Amene.